

kaladrangedranga

kaladrangedranga, malrasaku musuwa! sana kelasu, saha pacunu ngibuale ku vai, latakalra ku yakai ilebe ki myaki apui ka vai twatwatuma ka laumase, ku kyapakualri tuhamuhu. sana kelasu, yakai lu mailukusu ku ngyacaeme ku saseveha si tahuadrau ka udale, la sedrekenga si kadraunga ku acilai, lryaunga ki cekele si sulisinga ku kinauwacekela, la ngutukadrenga ku kaelrea, kangetelenga ku lataludru si kaidu pikakuanga masasaulri, ku cekelenai la miyaki pakuulruulrulu ikai lregelrege.

kaladrangedranga, amanisu kwadra masulrapele macicacava ku talibelenge, sika wabalai ku bakale bwalai ku ngialisia ka aidridringa, sana kelasu, sana aumase makitu kyahahagai makanaelre lwangai ku kulri si kane, lwangai ku mangangehece ka acilai si ungulu, amalra ku lamadru ki angatu pasingkai pingsyang si kane, pakalimeme tuhamuhu. kaipulringau sika akabalribalrithi kai tacebea ngwalai ki taungula ki mangangehece, takanea ki malimeme ka lamadru ki angatu. sana kelasu, maculu kai daedae, wadrangedrange kai adalridalrima, la kadalamenai iyadringi ki daane kiipi ki lengci si kangangehece, lu kelanga ki tababaadha ku drikyana, la ngitulukunganai ki kucingalrana, kipakuwalringa ku sabaadha. sana

kelasu, madalame ku umase mwaki drakehale kadehethenge si kangangehece, madalamenai mwaki timu lwangui si kaulrau ku culua, la ikainga ku kipalrigumadu ku mwanenehe ki acilai amiya.

kaladrangedranga, kadruwa ka madalame musuwa, sana kelasu, mailukusu ku alralregele atatimalau atatabange, pacebenga ku matiaukuludru ka makaelaela ka lacaema, yakai ku ngwalai sipacai, yakai ku ngwalai si kyangeange, yakai ku ngwalai si ibalriyu ikai tauwana si kaimaka twatuma, ibalriyu si kaimaka mugaku kibulru, ki takibubuwa tasieta ku ai kibuu, sana matikaiya musuwa, lu kelainu kai lrasaneli musuwa.

kaladrangedranga, palraingisu ngitatupela, mwalra sinau ikai langyalisia ka caemanesu? lu pangibualesu ku vai pakasulrapela, anikai dalace, lu paudalesu kekelreta, sana mudruanga kai daedae isadraa, lu pakasasevehesu palalranga, kai tulisi ki kaelrea, kai paukadrule ki langatu si ladaane, lu kelasu kaimailuku ku caema, lasu amani kwadra kiakadalame kimuhikai kisdrama ka kaladrangedranga.

夏天

夏天啊！我不喜歡你！你來，太陽就早起，讓許多工作的人很辛苦。你來，就帶來颱風，土石流，路會坍方，不便於往來，害我們的部落變成孤島。

夏天！你是個笑裡藏刀的鬼，你來，大家就會高興的吃冰、喝涼水、猛吃水果，害身材走樣；你來，大家猛吹冷氣，繳電費時苦叫。

你來，大家喜歡到海裡或河裡戲水，卻常發生許多溺水事件。

夏天啊！我不喜歡你，你會帶來病媒蚊和傳染病。一提起你，就讓我傷透腦筋。

夏天啊！你是否願意改掉這些壞毛病，出太陽時溫柔些、下雨時適量就好、吹風時輕一些，不要吹倒樹木和房屋，做一個受人歡迎的夏天。

matiyakihagai ka nimakavala

lu amyarealreana yakainga ku ahakai ku angatu bingibingi ki vintang
si takualealeale laulangui, laulangui-- myamiya, kadruwa ka tahathainu ku
taleala, kunai ka lavavalake ki cekele masuahahaunai kela ihubu mwa ikai
lirilria ki dauku, yakai ku wailuku ku siaete ki bakicu ka latakaiya lapalungu,
yakai ku wailuku ku siate ki kahadrahe ka kahingalai, padulru ku aikaiya
drakehale ngilribate ku nimakivala.

lukelanganai drakehale, kunai ka labaybai mwasuhagelenai ki latakaiya
thebece ki acilai, putaluvaivai ku nipadulrua ka abu ki apui, lapaelrelre ku
enai cibuku si uhathe, lumakauhathe si ahakai ku acilai thwabethabe, ku
latakaiya mabula likalikathe myaki bauwa. lapacungulu musuhagele idra
lakahingalai ladihethenge si pusikingi, ku tathaithahihi ka kahingalai ahakai
ku alrima gumagumu sinau, ku sakumauma ahakai ku drapale tetehe,
lathabethabe si pee, lapavai pikai ki tapulregelrege si drepete ahakai ku
lrelrenege ku kadruwa ka akipaladha ki saseveha. lucelela pasyasihahe
ki latapulregelrege myaki makikikiyusu luanea ku mathaithahihinga ku
tasikahingaladha. ku sauwalai makitwamukipingi si mwadringi ki acilai,
kisamura kiapase kitahasuludru, yakai ku wadavace kiulahe kiangatu,

sanadulru kudalai amiya si kaisusu ku kuladha ku mabitulru, lacegecege
ahakai ku irenege tutakakama. maikaikainga, yakainga ku apase
tahasuludru, kwadalainga ku apui, aidulrunganai padulru ku kudrali.

makasinaunganai twakudralinganai laipathagilinganai lwaulangui,
kunai makanaelre kadruwa ku kyabulru ku talaulaulangudha, ai kadruwa ku
mwaneneenehe, amaninai kwadra malrilrigilinga ngyalralrau ki taupungu
lwangui. lu kidulrunganai si takecelrenga ki talaulangudha, amwanai sukapa
ki tapulregelrege kuvai, lukaculungainai ladavacenai syulri mwaki acilai
lwangui apapelaela.

ku vai papulrawlrawlraudrunga walrilriugunga ki lregelrege, ku
pavainai ka lakahingalai mamealenga, lapathagilinai mapalribilribulu
mupavai cikipi swaulri suhagele pauwa ki kahadrahe, ku latakaiya
lahathudunai swapiti pauwa ki bakicu, lu kihagahagadha kai zikange padalru
si ngilribate, kuwalrilryugu ka vai kyasapalra naiya ubalriyu, eene kyadulru
kai kinaumasanenai ai kai kidremedremenai masalruka kihagai, si
pakamaesai ku tapeca.

快樂的一天

游泳！游泳！聽著木棒敲擊澡盆的聲音，部落的孩子們在黃連木下集合，提著滿桶的餐具、鍋具；揹著滿籃的衣物，準備在溪邊度過愉快的一天。

女孩們將餐具、鍋具卸下浸水，拿出備用的火灰和著河邊沙土，搓刷鍋具、餐具，再用河水洗淨，洗完後個個閃閃發光，潔白如新。取出背籃裡的衣物，浸水泡濕後用肥皂快抹過，較為上等的衣物用手搓揉，下田用的衣物用雙腳踏搓，洗完後曬在大石頭上，用小石壓著。

男孩們脫去上衣，相繼跳下水抓蝦或螃蟹，有的到附近折樹枝，大家分工合作，火點燃了、蝦蟹有了，拿幾塊石頭立起來當烤架，就這樣解決午餐。

接下來要游泳，一群孩子沒受過游泳訓練，全都是最佳狗爬式選手。游累了、感覺冷了，就在石頭上曬太陽，曬夠了再下水。

太陽慢慢西下，衣物差不多乾了，大家相互幫忙收好放回籃子裡，讓夕陽伴著我們回家，身體雖有些疲憊，但心情卻是愉悅的。

Lrimuasa

yakai idra kalakecelra, tuahanau kainganai ku miaki sedreke ku ngicaemana ka saseveha, ku saseveha twalai talikai talriuga kela ki cekele kasasevehe. ku kinauwacekela lakasamali makanaelre si kidremedreme, kadrua ka kalasedreka kai asaa ani tuhanau kasasevehe ngicaeme? icengecenge idra, lacele ku tualai lraudru ki cekele ngibuale ku kadrua ka asiasipa ku kalrana ka idihi, kuani laidihi lalalrange ngudadethe ki cekele, si isadra ikai latadre ki laLrimuasa, ku Lrimuasa lalrabuale mulatadre si cele, lacele ku umase ku masapiti ikai liniana.

ku cele ki kinauwacekela masapiti ka idihi si wakapa salraelre ki latadre ka alaulai, yakai ku ngyatakelrai ikai ki angatu, lamakitukuludru makanaelre si masasabulu kilepenge, adrava ku labetaka ki Lrimuasa muabehe si ukuludru mutauwana. lucele ku Lrimuasa kaumaumasa kadrua ku matiukuludra, latualai ikai laumase kainangai mutaluvaivai ku ngiasauwalai matidalame ka sauwalai, ai lucele ku kinauwacekela alaulai ka sakaelreta, lamukuludru ngudadethe ki laLrimuasa.

ku Lrimuasa sacele ku saukukuludru ki sakacekeleini, lavavangalre si pelaela liniya, asimukuludru, ku takelanelini kadrua ka siakidremedreme ku ngialisiya, wakale mupalapalange.

ku sakacekele si lahetesaneini ki Lrimuasa kadrua ku palraingi kitahumaha ku takauhivaneini, makecenge pakaicilri ki Lrimuasa paki upalalpalange ki sakaelreta. ai ku Lrimuasa madalamenga ki sakaelreta, kadrua ka tuamanemanenga ku tabulrua ki sakacekeleini, lapalraingi ku takitubiya ki sakaelreta. ku sakaelreta laiya ikai ki Lrimuasa, mwaana utauwana, ki samakalrimale naikelanga kidrekase. sadavace kuani lalaulai, langipelanenga tukisumali ku saseveha, sa lriyugunga ki lruguluga yadrengehe ku saseveha si vainga. ku kinauwacekela pataku macamaca cele ku tangimiya si kasalrunga kipautenga ki Lrimuasa. eene taulra pakithaheve ki Lrimuasa, ai makecenge kau Lrimuasa, sakai makatumanenga lapalraingi patupalra ku kidremedremeini, si pathagilinga ku kinauwacekela tuhahukudra padulru ku akahudranga ki Lrimuasa.

sa kela Dalupalringi, lu cele ku Lrimuasa swaadrau ka cekele, lu cele ku sakacekeleini ea ka baiyu, ku Lrimuasa lakipusau ki sakacekeleini, taku cunu myaikai, lukelanumi ikai walupu, laikai ku akanea isahahe, lu kaculuculu kwanea, alaiyasi kangangehece, kadruwamadu ka wakanekane.

Lrimuasa 的故事

有個冬天，部落颳起暴風。族人發現部落下方冒出無以計數的長矛正緩緩接近。

眾人看到一排排長矛和爬行的蛇，都害怕而紛紛走避；但 Lrimuasa 看到的卻是一群一般人，而且從這群人中走出一位俊美男子，然而眾人看到的是一條百步蛇，都不敢接近。

Lrimuasa 安撫族人，說明他們是來向她求親的，該名男子也是貴族。但族人無法接受，反對他們交往。

然而 Lrimuasa 已愛上蛇郎，答應了對方的要求，蛇郎說五天後再來提親。他們離開時，又颳起風，等他們越過山頂，才恢復天晴。族人目睹一切經過，終於相信 Lrimuasa 的話，但他們仍然捨不得她出嫁。在 Lrimuasa 的堅持下，還是開始準備婚事。

族人為 Lrimuasa 送別，抵達時男方家（鬼湖）時，Lrimuasa 看到很大的部落，眾人卻看到湖泊。Lrimuasa 向族人致謝，並叮嚀他們以後若到該區狩獵，發現熱的食物即是她為族人煮的，可以食用；若食物是涼的，則千萬不能吃。